



Մ Ա Յ Ր Ա Թ Ո Ռ Ո Ւ Մ

Դեկտեմբերի 3-ին, ուրբաթ.—Այսօր, ժամը 14-ին, Վեհաբանում, Վեհափառ Հայրապետի նախագահությամբ, գումարվում է Մայր Աթոռին առընթեր ճարտարապետական հանձնաժողովի հերթական նիստը, որին ներկա են լինում հանձնաժողովի անդամներ՝ ճարտարապետներ պրոֆ. Վարազդատ Հարությունյանը, պրոֆ. Կարո Ղաֆադարյանը, Ռաֆայել Իսրայելյանը, պրոֆ. Կոնստանտին Հովհաննիսյանը, ժողովրդական նկարիչ Գրիգոր Խանջյանը, հաղդիկ Արզումանյանը, Արծրուն Գալիկյանը:

Նիստին ներկա են լինում նաև Մայր Աթոռի ինժեներ-շինարար Ծիլվան Խաչատրյանը, նրա օգնական Մարտին Կարապետյանը և ճարտարապետ Վաչե Խաչատրյանը:

Նիստից առաջ Վեհափառ Հայրապետը ոգեկոչում է հիշատակը ճարտարապետական հանձնաժողովի նախագահ ողբացյալ Միքայել Մազմանյանի և «Հոգոց» է արտասանում: Ծարտարապետ Միք. Մազմանյանը 1957 թվականից սկսած գլխավորում էր ճարտարապետական հանձնաժողովը:

Սույն նիստում ճարտարապետական հանձնաժողովի նախագահ է հաստատվում պրոֆ. Վարազդատ Հարությունյանը և քարտուղար՝ ճարտարապետ Արծրուն Գալիկյանը:

Վեհափառ Հայրապետը ջերմորեն շնոր-

հավորում է նորընտիր նախագահին և քարտուղարին՝ մաղթելով նորանոր հաջողություններ Մայր Աթոռի շինարարական ձեռնարկների է՛լ ավելի արդյունավետ կենսագործման համար:

Ծարտարապետական հանձնաժողովի հարգելի մյուս անդամները ևս արտանց շնորհավորում են Վ. Հարությունյանին և Ա. Գալիկյանին և խոստանում շարունակել ճարտարապետ Մ. Մազմանյանի գլխավորած Մայր Աթոռի շինարարական ձեռնարկները՝ ի պաշտոնությունս ս. Էջմիածնի և ի մխիթարություն Հայոց Հայրապետի:

*
*

Դեկտեմբերի 4-ին, շաբաթ.—Այսօր Վեհափառ Հայրապետից հրաժեշտ է առնում ուխտավորաբար ս. Էջմիածնում գտնվող Արևմտյան Եվրոպայի հայրապետական պատվիրակի փոխանորդ տ. Գյուտ ծ. վրդ. Նազաշյանը և մեկնում, Բելյուրոթի վրայով, Փարիզ՝ իր պաշտոնատեղին:

*
*

Դեկտեմբերի 5-ին, կիրակի.—Այսօր, ժամը 14-ին, Վեհաբանում Հայոց Հայրապետը բարեհաճում է ընդունել այցելությունը Հունգարիայի Կենտրոնական թանգարանի տը-

նօրեն Յանու Դոմոյոր Տոմնայի և նկարիչ Հեմե Ֆերենցի, որոնց ուղեկցում էին պրոֆ. Ռոբեն Պարոնյանը և իր տիկինը, նկարիչների միության նախագահի տեղակալ Հոփսիսիմե Սիմոնյանը:

Հայոց Հայրապետի և հարգելի հյուրերի միջև տեղի է ունենում ջերմ զրույց:

* *

Դեկտեմբերի 8-ին, չորեքշաբթի.—Այսօր, երեկոյան ժամը 20-ին, Վեհափառ Հայրապետը իր ջրախմբով ներկա է լինում Երեվանում, օպերայի և բալետի ակադեմիական թատրոնում, երգահան Ալեքսանդր Սպենդիարյանի ծննդյան 100-ամյակին նվիրված սիմֆոնիկ համերգին:

Վեհափառ Հայրապետին ընկերակցում էին Մայր Աթոռի միաբաններ, հոգևոր և մարանի դասախոսներ և ուսանողներ:

* *

Այսօր, կեսօրվա ժամը 12-ին, Վեհափառ Հայրապետին է այցելում ուխտավորաբար մայր հայրենիքում գտնվող ամերիկահայ ֆիզիկոս Զավեն Կիրակոսյանը, որին ուղեկցում էր Երևանի «Արևիկ»-ի տնօրեն Արտյոմ Ալիխանյանը:

Հայոց Հայրապետի և անվանի հայ գիտնականների միջև տեղի է ունենում ջերմ ու հետաքրքիր զրույց՝ սրտագին մթնոլորտում:

* *

Այսօր Վեհափառ Հայրապետից հրաժեշտ է առնում Ռումինիայի և Բուլղարիայի թեմի առաջնորդ տ. Տիրայր եպս. Մարտիրոսյանը և մեկնում Բուխարեստ՝ իր պաշտոնատեղին:

* *

Դեկտեմբերի 9-ին, հինգշաբթի.—Այսօր, ժամը 13-ին, Վեհափառ Հայրապետը, տ. Հուսիկ եպս. Սանթրոսյանի և տ. Մուշեղ վրդ. Պետիկյանի ուղեկցությամբ, այցելում է Երևանի Նկարիչների տուն՝ նկարիչ Մարիամ Ասլամազյանի անհատական ցուցահանդես:

Հարգելի արվեստագիտուհին աչա ուրախ աղիթով մի նկար է նվիրում Վեհափառ Հայրապետին իր ստեղծագործություններից:

* *

Դեկտեմբերի 12-ին, կիրակի.—Մայր տաճարում ս. պատարագ է մատուցում տ. Ա-

ղան վրդ. Բալիուզյանը և քարոզում «Օրինեալ ես դու ի կանայս և օրհնեալ է պտուղ որովայնի քոյ» բնաբանով:

* *

Դեկտեմբերի 16-ին, հինգշաբթի.—Այսօր, ժամը 12-ին, Վեհափառ Հայրապետին է այցելում Հայաստանում հյուրընկալվող իրանական պատվիրակությունը, որը գլխավորում էր Իրանի լեզվի ակադեմիայի իսկական անդամ, գիտության և քարձրագույն ուսումնական հաստատությունների մինիստրի նախկին տեղակալ, Թեհրանի համալսարանի պրոֆեսոր Մոհամեդ Մուկադամը իր տիկնոջ հետ:

Հայոց Հայրապետի և հարգարժան հյուրերի միջև տեղի է ունենում քաղկալական զրույց:

* *

Այսօր, երեկոյան ժամը 18-ին, Վեհափառ Հայրապետի նախագահության ներքո, հոգևոր և մարանի դահլիճում տեղի է ունենում միասնական Մայր Աթոռի և Անթիլիասի կիլիկյան Աթոռի հարաբերությունների հարցին:

Նիստին ներկա են լինում Մայր Աթոռի ու Գերագույն հոգևոր խորհրդի անդամները, թեմակալ առաջնորդները, հոգևոր և մարանի դասախոսական կազմն ու լսարանական բաժնի ուսանողները, վանքի պաշտոնատեղումը, Երևանի, Լեհիսկանի եկեղեցիների քահանայից դասը, թեմական և եկեղեցական խորհուրդների անդամները և այլ հրավիրյալներ:

Նիստը ներածական խոսքով բացում է տ. Կոմիտաս եպս. Տեր-Ստեփանյանը:

Այնուհետև Մայր Աթոռի և կիլիկյան Աթոռի հարաբերությունների հարցին նվիրված ընդարձակ և ամբողջական զեկույցով հանդես է գալիս «Էջմիածին» ամսագրի խմբագիր Ա. Հատիսյանը:

Մայր Աթոռի միջեկեղեցական հարաբերությունների բաժնի քարտուղար Պ. Ծախբազյանը զեկույցման ժամանակ քննարկում է Մայր Աթոռի և Անթիլիասի միջև փոխանակված մի շարք փաստաթղթեր:

Ապա Գերագույն հոգևոր խորհրդի անդամ պրոֆ. Ս. Մելիքսեթյանը, որը որպես ներկայացուցիչ մասնակցել էր Մայր Աթոռում նոյեմբերի 9—16 օրերին Անթիլիասի ներկայացուցիչների հետ կայացած հանդիպմանը, խոսում է այդ հանդիպումից ստացած իր տպավորությունների մասին:

